

Marta Villamayor Álvarez. secretaria do Consello Social da Universidade de Santiago de Compostela.

CERTIFICA, con anterioridade á aprobación da acta correspondente, que o pleno do Consello Social desta Universidade en sesión ordinaria celebrada o 30 de xullo de 2024, de conformidade co establecido no artigo 75.3.f) da Lei 6/2013, do 13 de xuño, do Sistema universitario de Galicia, tomou, entre outros, o acordo de aprobación de tarifas de conformidade coa documentación que figura como anexo á presente certificación.

E para que así conste aos efectos oportunos, expido a presente certificación en Santiago de Compostela, a 30 de xullo de 2024, co visto e praxe da señora presidenta.

Vº e Pr.
A presidenta

Cecilia Sierra Rey



INFORME DE TARIFAS DA FUNDACIÓN USC, M.P., PARA O DESENVOLVEMENTO DA DIRECCIÓN E COORDINACIÓN DOS SERVIZOS DE SEGURIDADE E VIXILANCIA DA UNIVERSIDADE DE SANTIAGO DE COMPOSTELA.

1. ANTECEDENTES. MARCO XURÍDICO.

A Fundación Universidade de Santiago de Compostela, M.P. (en diante, Fundación USC), é unha entidade de natureza fundacional, de interese galego, con personalidade xurídica propia, constituída por tempo indefinido ao abeiro do disposto no artigo 34.1 da Constitución Española e da Lei 12/2006, do 1 de decembro, de Fundacións de Interese Galego, que ten como «finalidade de interese xeral colaborar na promoción e desenvolvemento dos fins propios da Universidade de Santiago de Compostela (en diante, USC), así como das súas entidades vinculadas ou dependentes, contribuíndo a exercer con eficacia e eficiencia as funcións que a institución ten asignadas, segundo prevé o artigo 6 do Título II, «obxecto da Fundación», dos seus Estatutos.

En particular, engade o mesmo artigo 6, son fins propios da Fundación USC, entre outros: «prestar os servizos de carácter complementario ou instrumental que sexan necesarios para que a Universidade realice as súas funcións básicas e que non supoñan o exercicio da función de autoridade», «colaborar coa USC no desenvolvemento e xestión daquelas actividades que contribúan a unha mellor asistencia á comunidade universitaria», «promover a realización de actividades que favorezan a integración da Universidade na súa contorna económica, social, cultural e deportiva», así como «fomentar, promover, xestionar, organizar e prestar servizos relacionados coa actividade físico-deportiva, así como a realización de accións subordinadas, relacionadas ou accesorias a aquela, preferentemente na Comunidade Autónoma Galega», abranguendo o desenvolvemento dos fins anteditos tanto no Campus universitario de Santiago de Compostela como no Campus universitario de Lugo.

No artigo 7, no relativo ás actividades fundacionais, indican os Estatutos da Fundación USC, que para a consecución dos fins mencionados no artigo 6 a entidade poderá levar a cabo, diferentes actividades, e concretamente no punto i) deste artigo, especifica:

- «Xestionar os servizos relacionados coas operacións e funcionamento dos edificios e infraestruturas de Universidade de Santiago de Compostela así como a súa explotación ou uso.»

Para maior abastanza, e de conformidade co disposto no artigo 32.6.a) da Lei 9/2017, de 8 de novembro, de contratos do sector público (LCSP), na Plataforma de Contratos Públicos de Galicia, están publicados os sectores de actividade nos que a Fundación, en tanto que comprendidos no seu obxecto social, é apta para executar as prestacións que poidan ser obxecto de encargo.

A exposta finalidade de interese xeral da Fundación USC, segundo prevén o artigo 6 e 7 dos seus Estatutos, poderase exercer por medio dos encargos que a Universidade lle realice.

Neste eido, e de conformidade co referido artigo 32 da LCSP, a Fundación USC é un medio propio personificado da USC, o cal, en cumprimento da dita previsión legal, vén recoñecido polo artigo 3 dos Estatutos da Fundación.

O carácter da Fundación USC de medio propio personificado da USC comporta que a relación daquela con esta ten natureza instrumental e non contractual, carácter interno, dependente e subordinado.

No marco de dita relación, e segundo o previsto na lexislación de contratos do sector público, é obriga da Fundación, no ámbito do seu obxecto social e nos termos fixados nos seus estatutos, executar as encomendas ou encargos que a Universidade lle faga.

Por outro lado, é obriga da Universidade compensar á Fundación pola execución das encomendas ou encargos. A compensación, segundo prevé a LCSP, establecerase por referencia ás tarifas que, para as actividades obxecto do encargo, sexan aprobadas pola entidade pública da que dependa o medio propio personificado. Ditas tarifas calcularanse de maneira que representen os custos reais da realización das unidades producidas directamente polo medio propio (art. 32 LCSP).

2. SERVIZO OBXECTO DA PROPOSTA DE TARIFAS.

A presente proposta de tarifas faise respecto do desenvolvemento e prestación para executar a dirección e coordinación dos servizos de seguridade e vixilancia da Universidade de Santiago de Compostela, cuxa execución levarase a efecto nos termos que se establezan na correspondente resolución reitoral de encargo que no seu día se dite.

A Universidade de Santiago de Compostela contrata externamente a prestación dos servizos de seguridade e vixilancia. Porén, tendo en conta as necesidades de inmediatez, contacto e control directo para as tarefas de dirección e coordinación da seguridade e vixilancia dunha Institución con preto de 30.000 membros na súa comunidade universitaria, máis de 80 centros e edificios e multitude de actos e eventos, considérase, que é máis eficiente e eficaz canalizar as relacións respecto da dirección e coordinación a través dun medio propio como é Fundación da USC, sobre o que ademais exerce un control análogo aos seus propios servizos, que utilizar outras fórmulas de contratación convencional con responsables de contratos tanto na parte do adxudicador coma da adxudicataria que dificultan a xestión esa inmediata, o control e o contacto directo.

As actividades anteriores serán obxecto de desenvolvemento nos Campus universitarios de Santiago de Compostela e de Lugo.

3. TARIFAS DA FUNDACIÓN USC, M.P.

Como xa se mencionou, segundo o disposto no artigo 32 LCSP, a obriga de execución do encargo pola Fundación USC, na súa condición de medio propio personificado da USC, comporta a obriga desta última de compensar esa execución mediante as correspondentes tarifas que aprobe o Consello Social da USC a proposta do Consello de Goberno, e para cuxos efectos faise a presente proposta.

As tarifas, como tamén se sinalou, calcúlanse de maneira que representan os custos reais da prestación directamente pola Fundación das actividades relacionadas no apartado anterior e que sexan obxecto do encargo.

Como referencia para a determinación das tarifas empregouse a Orde do Ministerio de Facenda e Administracións Públicas (hoxe Ministerio de Facenda e Función Pública) HAP/2075/2014, de 6 de novembro, pola que se establecen os criterios de cálculo do coste efectivo dos servizos prestados por entidades locais («BOE» núm. 270, do 07/11/2014), ditada co obxecto de dar cumprimento aos principios de eficiencia, racionalización e sustentabilidade dos recursos públicos.

Segundo a dita Orde, o coste efectivo dos servizos determínase pola agregación de dous compoñentes:

- a) Custos directos: De acordo co disposto no artigo 4.2 da Orde, aplicable ás entidades dependentes ou vinculadas con orzamento estimativo e que apliquen o plan xeral de contabilidade da empresa, teranse en conta os custos de explotación incluídos na conta de resultados recollidos nas partidas de *aprovisionamentos, gastos de persoal, outros gastos de explotación, e amortizacións do inmovilizado*, así como, de ser o caso, calquera *outro gasto non financeiro* non sinalado anteriormente que teña relación coa prestación dos servizos.

Os custos directos identificarán exclusivamente aqueles asociados a cada servizo.

- b) Custos indirectos: De conformidade co artigo 5 da Orde, os custos indirectos (determinados con arranxo aos criterios de imputación) virán determinados polos relativos á administración xeral imputados proporcionalmente sobre os servizos prestados.

De acordo co anterior, tómase en consideración para a elaboración da tarifa:

- Persoal necesario para a prestación do servizo, tendo en conta:
 - a) Unha persoa para a dirección do servizo de seguridade e vixilancia.
 - b) Unha persoa para a subdirección do servizo de seguridade e vixilancia.
- Respecto dos custos laborais tomouse como referencia o Convenio Colectivo estatal de empresas de seguridade para o período 2023-2026 axustando as retribucións ás responsabilidades e funcións que se vaian a desenvolver.
- Para a estimación de custos indirectos utilízase o criterio de imputación de custos acordado na entidade, que se realiza sobre a porcentaxe de ingresos de cada un dos programas e o total.
- Tomouse un período de referencia de 12 meses para a imputación de custos.
- As horas de traballo efectivo, en cómputo anual, do persoal asignado aos servizos, segundo o previsto nos convenios colectivos aplicables e/ou acordos particulares da empresa.
- As necesidades de investimentos estimadas.

Conforme ao exposto ata o de agora, procede facer a desagregación seguinte:

3.1. Custos directos.

- a) Gastos de persoal.
 - i. Director do servizo: contrato indefinido a tempo completo, con dispoñibilidade horaria e podendo ser requirido para desenvolver funcións en calquera momento, ademais contará cun plus de perigosidade.
 - ii. Subdirector do servizo: contrato indefinido a tempo completo, con dispoñibilidade horaria e podendo ser requirido para desenvolver funcións en calquera momento, ademais contará cun plus de perigosidade.
 - iii. Outro persoal: persoal de administración directamente relacionado coa xestión do encargo estimando unha porcentaxe de imputación para a dedicación ao mesmo.

Os custos salariais ascenden a 118.170,00 euros, incluíndo os soldos e salarios e os custos de seguridade social.

- b) Aprovisionamentos. Inclúense aquí, fundamentalmente, as compras de bens ou traballos realizados por outras empresas.
- c) Outros gastos de explotación. Inclúense aquí os arrendamentos de vehículos, reparación e conservación, subministración de combustible para os vehículos, transportes, servizos profesionais xurídicos e primas de seguros.

- d) Amortizacións. Inclúese aquí as amortizacións dos equipos informáticos seguindo as táboas de amortización da entidade.

Segundo o exposto:

Servizo	A) Gastos de Persoal	B) Aprovis.	C) Outros Gastos Explotación	D) Amortiz.
Dirección e coordinación seguridade e vixilancia	120.470,70 €	1.000,00€	8.500,00€	1.000,00€
Totais custos directos/ano	120.470,70€	1.000,00€	8.500,00€	1.000,00€

3.2. Custos indirectos.

De conformidade co artigo 5 da Orde HAP/2075/2014 e tomando como referencia o previsto no artigo 50.3 da Lei 16/2010, de 17 de decembro de organización e funcionamento da Administración xeral e do sector público autonómico de Galicia («DOG» núm. 251, de 31/12/2010; «BOE» núm. 35, de 10/02/2011), aplícase, en concepto de custos indirectos: custos xerais de estrutura, gastos xerais e corporativos. A Fundación USC aplica os custos indirectos proporcionalmente sobre todos e cada un dos programas que forman parte do seu Plan de actuación, en termos porcentuais sobre a base dos ingresos obtidos ou estimados por cada un dos ditos programas no exercicio correspondente. No informe que nos ocupa estímase unha porcentaxe do 1,67%.

Así calculado, e dentro dos límites porcentuais previstos na normativa anterior, resulta o seguinte importe por custos indirectos a aplicar sobre o servizo obxecto do encargo:

SERVIZO EXTERIORES	CUSTOS INDIRECTOS
Reparación e conservación informática	115,28 €
Reparación e mantemento web	3,74 €
Servizos profesionais laborais	581,26 €
Servizos profesionais contables-fiscais	135,35 €
Servizos profesionais xurídicos	219,18 €
Servizos profesionais de protección de datos	29,05 €
Transportes	15,30 €
Outros servizos	12,69 €
Telecomunicacións	38,38 €
Gastos fotocopias	9,02 €
Gastos de mensaxería	0,76 €
Gastos de material de oficina	1,74 €
Gastos de licenzas informáticas	13,29 €
Servizo de prevención de riscos e vixilancia da saúde	119,61 €
Amortización do inmovilizado xeral	175,53 €

Outros tributos	0,72 €
Gastos financeiros	17,10 €
TOTAL CUSTOS INDIRECTOS/ANO	1.488,00 €

3.3. Horas efectivas de traballo, en cómputo anual.

Para o cálculo da tarifa, téñense en conta as horas efectivas de traballo, en cómputo anual, segundo o previsto no convenio colectivo aplicable ao persoal asignado ao servizo e as súas xornadas de traballo (xornada completa), nos termos seguintes:

- Convenio Colectivo estatal de empresas de seguridade para o período 2023-2026.
- Convenio Colectivo de oficinas e despachos da provincia de A Coruña.

De conformidade co exposto:

SERVIZO	CONVENIO COLECTIVO	XORNADA HORAS/ANO	NÚM. TRAB.	TOTAL HORAS/ANO
Dirección e coordinación servizo seguridade e vixilancia	Convenio colectivo estatal empresas de seguridade	1782	2	3.564 horas ¹
Outro persoal	Convenio colectivo oficinas e despachos	1759	3	85 horas
TOTAL HORAS/ANO				3.649 horas

¹Correspóndese co sumatorio de horas anuais dos traballadores e traballadoras indicados no apartado 3.1. deste informe.

3.4. Cálculo do custo final: TARIFA/S DO ENCARGO.

O custo final, **TARIFA/S DO ENCARGO**, vén determinado pola aplicación dos custos directos de explotación e os custos indirectos sobre as horas de traballo efectivo en cómputo anual. É dicir, o **IMPORTE/HORA** é o resultado da seguinte fórmula:

CUSTOS DIRECTOS + CUSTOS INDIRECTOS

HORAS EFECTIVAS TRABAJO ANO

Aplicada a fórmula anterior aos importes referidos polos ditos conceptos á actividade obxecto da presente proposta de tarifas:

130.970,70 EUROS + 1.488,00 EUROS

3.649,00 HORAS

Do que resulta, polo tanto, un custo final, **TARIFAS DO ENCARGO**, de:

DESENVOLVEMENTO DA DIRECCIÓN E COORDINACIÓN DA SEGURIDADE E VIXILANCIA DA USC
--

36,30 €/hora

4. APLICACIÓN, VIXENCIA E REVISIÓN DAS TARIFAS.

As tarifas aplicaranse aos servizos que sexan obxecto de encargo pola USC, entrando en vigor na data de efectos deste último nos termos que se estableza na resolución reitoral pola que se formalice dito encargo á Fundación USC.

As tarifas serán obxecto de revisión no prazo previsto na devandita resolución, ou de maneira extraordinaria cando concorran circunstancias de variabilidade dos prezos de mercado ou de cambios substanciais na estrutura de custos da Fundación USC que así o aconsellen.

En Santiago de Compostela, a 17 de xullo de 2024

O Xerente da Fundación USC, M.P.
Óscar Hermida Otero